

臨海縣志卷之三

候補按察使司僉事邑人洪若臯編輯

同 邑 舉 貢 庠 生 分 纂

食貨志

戶口

土田

賦稅

歲供

役法

物產

叙曰洪範八政一曰食二曰貨食五穀也貨布帛金刀龜貝也吾邑無貨貨者藝麻樹相亦食等耳食等則地利為本土滿人稀貨棄於地何以康食先戶口重民數也民多則地之地乏則不農不農則不土著雖眾如鳥獸散次土田重

臨海縣志

卷三

食貨

戶口

本業也業者下之致其財也貢賦者致其財於上也下力之而上奪之財終無所致徭役非正供也公奪之私又奪之益將不堪然則柰何曰棗栗卮茜利在千畝故以物產終焉作食貨志

戶口

漢元封時徙東越之民於江淮而空其地戶丁無考

晉闔郡一萬八千戶

邑數無考

南宋闔郡戶三千九百六十一戶 丁二萬四千二

百二十六口

邑數無考

唐武德闔郡戶八萬三千八百六十戶 丁四十八

萬九千一十五口 邑數無考

宋熙甯邑戶二萬一千五百二十二戶 丁五萬九

千八百八十一口

大觀三年主戶五萬一千八百四十戶 客戶一萬

八千七百八十六戶 主丁五萬八千七百六十

七口 老幼廢疾五萬七千五十一口 客丁一

萬一千七百六十三口 老幼廢疾一萬四千二

百二十二口

臨海縣志

卷三

食貨

二

戶口

嘉定十五年主戶五萬四千一百六十七戶 客戶

一萬九千八百三十戶 主丁六萬九千四百八

十六口 老幼廢疾五萬四千一百七十七口

客丁二萬一百六十四口 老幼廢疾一萬四千

一百七十七口

元闔郡戶一十九萬六千四百十三戶 丁一百萬

三千八百三十三口 邑數無考

明宏治五年戶二萬一千五百二十二戶 丁五萬

九千八百八十一口 內男子四萬八千七十五口 婦女一萬一千八百六口

嘉靖十八年戶二萬一千六百零六戶 丁六萬三

百零五口 內男子四萬八千四百九十七口 婦女一萬一千八百零

皇清順治初丁八萬九千八百八十一口 內男子五萬一千一

百三十七口 婦女二萬九千七百四十 八口 老幼廢疾六千九百一十四口

順治十八年遷遣後丁六萬二千三百三十二口 內男

子三萬四千九百三十六口 婦女二萬四百八十二口 老幼廢疾六千九百一十四口

康熙九年十年展界後丁六萬八千二百一十四口

內男子三萬八千一百三十八口 婦女二萬二千五百三十二口 老幼廢疾七千五百四十四口

論曰先王畫疆計口授田生齒原與地畝相配是

臨海縣志 卷三 食貨 三 戶口

以不料民而知其數然古者料民為生聚也周書

曰農不出則乏其食故司民登萬民之數則拜受

之自漢高帝初為算賦則料丁者料賦耳於是隱

匿逃亡而括實之法愈嚴而愈遁雖明高祖戶給

一帖十歲而登之黃冊亦無益也邑壘經兵火之

後役繁於賦荒益其貧不敷於山則穴於海版圖

日削即令家賜貽養之穀而為黃為小不堪為丁

則生聚之道及今猶晚也顧柰何驅而納之藜藿

戈船之間乎

土田 晉唐以上無考

宋田七十萬五千六百三十畝 地二十四萬四千

七百六十五畝 坊郭基地十萬三千九百畝八

丈 山三十八萬九千六十四畝

元闔郡田二百六十三萬四千二百九十二畝七分

五釐 地六萬五千二十畝八分五釐四毫 山

二十萬六千七百五十七畝九分六釐 邑數無考

明田六十三萬九千三百七十六畝七分四釐三毫

四絲四忽 官田六千三百九十九畝二分二釐三毫八絲五忽 職田一千一百五十九

臨海縣志

卷三

食貨

四

土田

畝八分九絲 學田二千四百九十三畝六釐八毫八絲四忽 中津橋田三百五十四畝四

分四釐七毫三絲三忽 方氏田二千一百五十五畝六分九釐九毫 廢寺田六千三百一

十八畝八分四釐五毫八絲二忽 沒官田一萬七千九百七十六畝二分九釐四毫二絲

醫學田一十二畝三分九釐 民田五十六萬五千六百一十畝二分七釐七毫二絲八忽

舊有田三萬一千二百六十九畝七分四釐二絲二忽 續置田五千六百二十六畝九分五

毫六釐

地一十八萬九千六百九十九畝八分六釐四毫

九絲 官地四百九畝一分八釐九毫一絲八忽 職地一百三十四畝六釐七毫 學地六百

八十五畝二分二釐五毫 中津橋地一百三十八畝三分八分 秋租扈地一千七百六十八畝三分

六釐四毫 官房地一百一十一畝八分四釐
二毫 方氏地二百畝八分二釐 廢寺地一
千二百二十二畝一分四釐一毫 沒官地五
千七百六十畝一釐七毫八絲二忽 民地一
十萬九千三百四畝
三分九釐六毫九絲

山二十二萬四千四百四十五畝六分九釐九毫

秋租山二千七百六十三畝一分二釐 學山
三畝 中津橋山六十八畝 方氏山五百五
十四畝五釐 廢寺山七千二百四十三畝八
分二釐 沒官山五千四百一十七畝五分四
釐七毫 民山二十萬八千三
百九十六畝一分六釐二毫

塘八千九百四十七畝六分六釐五絲 官塘五十
四畝六分

一釐六毫 學塘五釐 方氏塘三畝三釐
廢寺塘五百五十畝四分二釐 沒官塘一百

臨海縣志

卷三

食貨

五

土田

七十五畝六分九釐四毫 民塘八
千一百六十四畝八分六釐五絲

湖一百八畝八分

皇清田六十七萬四千七百三十畝八分二釐五毫

順治十八年遷界棄置田一十九萬九千二百
九十三畝九分七釐三毫一絲三忽 康熙九
年蠲荒田五萬七千七百三十二畝五分九釐
一毫二絲二忽 康熙九年十年展界開墾田
三萬二千六百二十畝三分七釐八毫六絲二
忽實在田四十五萬三千二百二十四畝六分四釐
二絲
七忽

民人帶種台州衛屯田二百六十九畝五分五釐

六毫 順治十八年遷界棄置田二百四十畝
實在田二十九畝五分五釐六毫

奉裁海門衛歸併臨海縣屯田一百三十五畝順治

十八年遷界棄置田八十
八畝 實在田四十七畝

地二十萬三千四百一十二畝二分四釐順治十

界棄置地八萬四千八百七十一畝七分一釐
三毫四絲五忽 康熙九年蠲荒地一萬六千

六百六十七畝四分二釐七毫四絲 康熙九
年十年展界開墾地三千五百二十八畝五分

七毫六絲 實在地一十萬五千四
百一十畝六分五釐八毫四絲五忽

山二十二萬五千一百八十六畝六分一釐五毫

順治十八年遷界棄置山六萬四千八百九十
六畝 實在山一十六萬二千八百九十九畝八分

二釐五
毫五絲

臨海縣志

卷三

食貨

六

土田

塘七千八十九畝四釐七毫順治十八年遷界棄

六畝三分三釐二毫五絲 置塘三千九百一十
二畝四分三釐八毫 實在塘三千一百七十

畝二分七釐
六毫五絲 湖一百八畝八分

論曰邑負山瀕海沃土少而瘠土多自宋南渡僻

處臨安用度不足紹興十八年侍郎李椿年奏行

經界法履畝授砧尺土寸壤皆輸於官當時有新

圍田新開田生熟地生熟山等名色故邑之山陬

海角無有萊而不耕者歷至元明砂壓水衝白石

彌望稅額猶存五百餘年民膏盡于荒野追厥闕

草萊任土地者肉其可食乎

皇清鼎興悉與蠲豁使蔀屋窮簷得免戶存田亡之

患室家樂而婦子甯要之鄭監之恩亦何可泯也

賦稅 宋元以上邑數無考

明歲徵麥八千二百二十九石四斗七升九合六勺

夏稅麥一千二百八十四石四斗三合二勺麥苗麥六千二十八石一斗二升八合八勺夏租麥九百一十六石九斗三升七合六勺內起運折色五千三百二十八石五斗九升九合存留本色二千九百石八斗八升六勺

米三萬二千二百九十九石八斗五升七合一勺

臨海縣志

卷三 食貨

七

賦稅

秋糧米二萬八千五百一十八石九斗一升二合一勺 秋租米三千七百八十八石九斗四升五合一勺 內起運折色六千七百三石二斗三升五合一勺 存留本色二萬五千五百九十六石六斗二升一合一勺

食鹽米一千三百七十一石五斗二升二合一勺

四抄三撮

魚課米五百五十三石六斗五升

鈔一千八百六十七錠八貫七百七十二文二分

夏稅鈔二百七十一錠二貫一百八十二文 秋租鈔六十三錠九分 稅鈔一千一十一錠 四百五十七文七分 賃鈔四百九十六錠三貫一百一十三文五分 課鈔二十六錠三貫

食鹽鈔四千八百八十錠一貫

魚課鈔一百三十一錠一貫三十八文

皇清歲徵米六千四百二十四石二斗九升二合一

勺 田五千七百三十五石七斗一升二合 地四
百二十六石七斗五升七合 塘七十三石五

斗七升三合 丁一百八十八石七斗五升一
合 內順治十八年遷界無徵米一千九百六

十六石三斗七升九合三勺 減軍儲銀改徵
本色米四千六百六十石七斗七升六合五勺

康熙九年奉蠲米一千九十八石八斗五升
四合二勺二抄 康熙九年十年展界加徵米

五百七十七石四斗五升二合六勺四抄三撮
實徵米八千五百九十七石二斗八升七合

臨海縣志

卷三

食貨

八

賦稅

七勺 內漕運米二千五千五石七升八勺
存留米六千三百四石六升五合四勺六抄

歲徵銀五萬三千五百四十一兩一錢六分九釐

七絲五忽 田四萬二千八百二十六兩四錢三分
四釐八毫一忽 地五千七百八十九

兩六錢八分七釐三毫八絲八忽 山四百五
十兩三錢七分三釐二毫三絲 塘一百八十五

一兩一分七釐九毫一絲六忽 官湖五錢四
分四毫 民人帶種台州衛屯田三十二兩七

錢六分八釐七毫四絲 海門衛歸併臨海屯
田四十兩三錢六分 丁四千二百一十九兩

九錢八分四釐 內除紳衿止免本身一丁銀
五十兩一錢五釐 順治十八年遷界無徵銀

一萬六千九十八兩六錢七分三釐三毫二忽
軍儲改徵本色米扣銀四千六百六十兩七

錢七分六釐五毫六絲三忽 康熙九年蠲荒
銀三千六百三十三兩五錢二分一釐九

絲 康熙九年十年展界增銀一千八百八十
八兩四錢六分九釐九毫 實徵銀三萬九百
八十六兩五錢六分
二釐九毫三絲五忽

額外漁課米折銀一百四十六兩二錢一分二釐

五毫 內徵無徵銀五十六兩
二錢七分二釐五毫

起運銀二萬六千六百三十九兩七分八釐

隨漕折色銀三千四百七十六兩四釐八毫四絲

驛站銀八百一十八兩三錢六分六釐五毫

布政司存留銀三百一十兩三錢六分 內科舉禮
幣進士舉

人牌坊除實荒該銀八十八兩七錢三分九毫
曾試舉人水手除實荒該銀七十三兩三錢

臨海縣志

卷三

食貨

九

賦稅

一分 臨海縣存留項下 內本府祭祀銀一百一
十九兩四錢五分 本

縣祭祀銀五十六兩四錢五分零 迎宴新舉
人酒席府銀九兩一錢六分零 縣銀九兩一

錢六分零 起送會試舉人酒席卷資銀一十
三兩七錢一分零 賀新進士旗扁花紅酒禮

府銀九兩一錢六分零 縣銀三兩五分零
起送科舉生員酒禮花紅卷資路費府銀六十

七兩三錢三分零 縣銀四十六兩三錢伍分
零 府歲貢生員旗扁花紅酒禮銀一兩三錢

七分零 赴京路費銀一十六兩三錢九分零
縣歲貢生員旗扁花紅酒禮銀四兩一錢六分

零 赴京路費二十七兩四錢九分零 內除實
荒銀未除棄置銀以棄置有復用故也

論曰賦稅必視田畝畝鐘不收稅於何有明末盜

滿中原於是遂餉練餉勦餉流餉皆額外名色

一時詔書有不已再苦我民一年之語雖非瓊林大盈讐歛赤子卒之闖賊入都委京坻而齎寇糧迨歷數有歸 定鼎以來民貧徹骨水旱兵荒無歲無有穀甚貴而糶甚賤歲豐亦貧歉亦貧雖兩稅之法昭然熬脂煎髓鞭扑難施有司謫黜相隨羈留追償者一邑積至三五尹至甲寅叛變

聖天子嘉惠海隅新舊錢糧停比不徵未聞加賦之書屢頒皇賞之帑百姓歡聲如雷寇平 允制閩

撫軍請悉蠲康熙十四年以前地丁銀五萬四千

七百餘兩米一萬九千九百餘石窮簷樂於更生

舊令悉皆回籍 皇恩浩蕩振古未聞迄今積荒

既蠲於前積欠復除于後而經徵猶有掛欠者豈

百姓之未盡良歟抑催科者之鮮術也語曰無治

法有治人徵比則九在對催之良法具存完欠則

萬戶口畝之冊籍具在不專比現年則未完者各

有應比之虞不假手吏胥則已完者不致有高下

之弊良有司誠能加意而實行之百姓有不樂輸

恐後者余未之前聞

歲供

漢晉以來舊貢金漆

木似樗蔓 延成林

乾薑

出章安城門黃 杜者佳齊孔瑋

之為郡守回朝獻以 乾薑亦土產之尤也

乳柑

出黃巖斷 江者佳

甲香

一名流 螺臨海

記云出東鎮 山小者佳

鮫華

即沙魚皮

飛生魚

即鼈鼠

唐元和郡國志土貢甲香三十斤

鮫魚皮一百張

係闔郡 數目

宋元豐土貢金漆三觔

甲香三十觔

鮫魚皮一

十張 紬二千五百三十五匹

三春預給庫錢與 諸縣第一等戶貸

之至夏秋償納于 官謂之和預買

絹一萬一千一百一十二匹

臨海縣志

卷三

食貨

十一

歲供

綿二萬八千九百一十四兩一錢

亦和預買

嘉定時折絹錢四萬五千七百三十六貫六文

每納本色

一半折色一半每 匹折錢四千文

折帛錢二十二萬六千九百九

十八貫二十八文 大禮銀六百五十兩

絹五

百匹 瑞慶節銀一千兩 絹五百匹

元歲貢柑子二萬三千顆 沙魚皮一百六十七張

魚鱧一百四十觔 狍皮一千一百

二十四張俱 係闔郡數目

明洪武初臨海歲供

石首魚 黃鱔魚

鱸魚

龍頭魚

海螵魚

鮓魚

銀魚

鱸魚

泥螺

鰕米

茶芽

蜜

黃蠟

蚶水母線

螟脯

白蟹

段匹 藥材 皮張 弓矢弦翎

宏治定額

茶芽九觔

牲口 猪五十九口價銀一百兩三錢 鴛

藥材 骨碎補一十斤 白朮一百斤 芎一百四十四斤 猪芽皂角三斤 粟穀三十斤

牛夏麩三斤 生地黃六十三斤 生

段匹價銀二百八十八兩三錢四分五釐一毫遇

閏月加銀二十五兩五錢一分四釐 解使司類造

農桑絲絹二百八十六匹二丈三尺八寸五分弓

臨海縣志

卷三

食貨

十二

歲供

六百一十張矢五千一百九十枝弦三千五十條

翎毛八萬根 麂皮二張 牛皮二色 水牛皮底皮 黃牛熟皮

胖襖五百二十三副 五年一造 黃蠟 蓮肉 白蠟

白果 絲線 紙劄 金箔 竹 薪炭

歷日紙二十四萬四千八百二十九張 黃紙二萬七千七百

張 尺九黃紙八百一十六張 狀元黃紙二百四十張 白紙二十萬八千七十三張 白綿紙

八十張

皇清順治初

戶部項下 金花銀三千二百二十四兩九錢四分 六釐二絲五忽 農桑絹銀二百二十

八兩七錢五分三釐一毫六絲 顏料銀一百
六十一兩五錢九分五釐五毫二絲 黃蠟銀
四百一十八兩四錢六釐九毫九絲三忽 芽
茶銀一十二兩八錢六分八釐六毫七絲二忽
葉茶銀四兩三錢
六分二釐五絲

禮部項下 藥材銀一十四兩七錢九分一釐三毫
六絲 牲口銀九十三兩 菜笋銀一

十五兩四錢三分六釐六毫 薦
新茶芽袋袱箕槓路費銀二十兩

工部項下 鹿皮銀一兩二錢 匠役銀一十兩
漆木銀五兩六錢七分八釐九毫 牛

角銀一千五百一十八兩 箭銀一百六十兩
弦銀二百五十三兩 胖襖銀二百八十二兩

七錢三分七釐六毫六絲二忽 工料銀七百
三十一兩八錢八分八釐 歲造段四銀三百

一十九兩五錢四分九釐九毫三絲一忽 軍
器軍三銀五百四十九兩九錢二分 軍器民七

臨海縣志 卷三 食貨 十三 歲供

銀二百四十四兩七
錢一分二釐八絲

順治十八年裁各項名色悉徵折色解布政司充餉

康熙十五年起解黃蠟七十觔四兩 茶芽五十三

觔八兩 黃熟銅三觔一十五兩 桐油二十四

觔 烏梅三觔三兩後併台芎烏藥白朮猪牙皂

角盡改折色止解本色茶芽九觔

論曰貢賦始於夏禹然考之禹貢冀州賦粟米而

不復貢土物其餘八州貢土物而不復賦粟米後

世賦之外有貢貢之外復有和買預買名色如宋

之折帛折絹始則買本色繼又賣本解折無非借
上供名色以剝取閭閻民力幾何而能當此無藝
之求乎明額辦雖有嘗數而運解立破家貲富民
之家一旦輪弓張胖襖之役無不男婦呼號老幼
啼哭合家如喪考妣者湯火虐政無代無之
皇清定鼎恭行節儉悉與蠲除百姓輸糧之外無所
復累雖與漢孝文詔除天下貢獻光武勅郡國雖
飲食異味勿得復有進供何以加諸書之於冊亦
以附講德典故之文也已

臨海縣志

卷三

食貨

役法

漢制 十里一亭亭有長十亭一鄉鄉有三老又有嗇
夫游徼三老掌教化嗇夫職聽訟收賦稅游徼
巡禁賊盜後世
坊里長昉此

唐制 一百家為里設里正一人五百家為鄉設鄉正
一人掌按比戶口課直農桑檢察非為催辦賦
役皆選勳官六品以下白丁清正者充之免
其課役始一官缺爭赴之末年避而至輪差

武德租庸調法 唐每丁受田百畝出租調外每歲用
民之力二十日閏加二日不役者日
為絹三尺謂之庸有事而加役二十五日免調
三十日租調皆免通正役並不過五日

宋制 里正仍唐舊選第一等鄉戶為之以第二等戶
為戶長課督租賦又有耆長壯丁逐捕盜賊其
他雜役多以廂軍給之罕調丁男後以里正年
滿者充衙前主典倉庫及輦運官物二年滿方

得替充者往
往至於破產

熙甯四年行募役法

凡衙前及耆戶長壯丁之類皆令民出錢募人為之其餘行保甲法十家立一保長五十家立一大保長五百家立都保正又以一人為都保副皆用有心力才勇之人為之止以譏察盜賊不當他役

嘉定義役法

眾均出田助役戶輸充照都分之管田者亦令出錢或令出錢買田付役戶無約與役戶俾之管田收租代役下戶無

元制

縣四隅設坊正鄉設里正都設主手專以催輸稅糧追會公事或周歲或半歲一更後又改季役大率以糧多者為役首其次為帖役

明制

在城為坊每坊田四千畝分十甲在鄉為圖每圖田三千畝分十甲每甲十年輪役一年同甲

臨海縣志

卷三

食貨

十五

歲供

者照田之多寡承役之多寡坊為坊長里為里長每甲有甲長又有總甲其坊里長有正役有均徭正役者即力差之法如備辦紅氈錦帳鋪陳桌衣椅褥及一應家伙磁器柴薪答應當道各衙門及迎送上司管直公聽備辦酒食并進士舉人牌坊會試舉人歲貢路費鄉飲迎春祭祀與應比催鞭之類皆所謂正役也均徭者即出銀雇役之法如各衙門一應當官人役工食并斗級舖兵橋夫船戶商人工食縣官懸榜多寡數目悉坊里長照給謂之徭銀

萬

萬宗 萬廟 一條鞭法 先是隆慶初御史龐尚鵬以綱徭之苦奏請行一條鞭之法總計州

縣一歲共用銀若干并入丁糧內輸官聽官自給從前一切銀差力差名色盡行革去迨萬歷

初御史謝廷傑再行條議其法遂定

皇清

坊里長甲長悉仍明舊坊里長除一應比錢糧外坊長居城答應各衙門及上司經臨家伙椅

桌磁器眠牀之類里長居鄉每年輸值夫三日
答應各衙門及上司往來驕夫團保長答應巡
更修城打草挑水
之役最爲簡便

論曰戶役何昉乎古之所謂役者或以起軍旅或
以營土木卽王制歲不過役民三日是也至於鄉
有長里有正非役也周官比閭族黨之長皆以上
中下士爲之不過助流政教耳漢三老亭長嗇夫
之任卽此類也唐設鄉長鄉正亦擇民之有行誼
者充之卽漢嗇夫之任然其職兼催庸賦庸賦者
卽每歲役民二十日其不役者日出絹三尺之賦

也以此責催於鄉長正遂開後世坊里長催糧之
漸故唐鄉里正之任始則人爭赴之末年避而至
於輪差宋與唐無異輪差漸不可行遂以鄉戶第
一等者充之則因田著役遂成千古不可易之例
也後復以里正充衙前之役則百弊叢起矣衙前
主典倉庫則報農民報耳房諸害之始也兼輦運
官物則解農桑解胖襖諸害之始也王安石募役
之錢遂得起而滋其弊至明初丁糧甚輕坊里長
催糧應比外有力差銀差之名力差謂之綱銀卽

今留存項下諸經費悉令坊里長措辦行之既久
官吏不啻視里甲爲外帑糜費無厭縱耳目之玩
不顧閭閻之苦一不當譴責隨之銀差謂之徭銀
卽今存留項下各衙役諸工食是也以在官人役
例應方里長任其勞故令有田者出銀雇人代當
行之既久例應一兩縣官追至二三兩者有之明
之力差銀差之弊一至於此迨一條鞭行前項皆
入丁糧內坊里長催糧之外並無所事事故萬高宗
丁糧加于洪武一倍糧雖重而坊里樂於更生今
一條鞭之行習焉不察而差徭仍責之坊里嗟乎
民幾何其不困也

物產

稻 夏熟者名早禾冬熟者名晚禾 早禾早者一名
六十日一名隨犁歸一名梅裏白 次早者一名

白婢暴一名赤婢暴 又有白散一名八月白
白粳 遲青 縮頭紅 又有白散一名八月白

冷 倒水賴宜低田 晚木 有早糯晚糯 矮糯
烏節糯 白糯 黃皮糯 胭脂糯

麥 蕎麥 有大麥 小麥

荳 有白荳 黃荳 赤荳 黑荳 青荳 紫荳 虎
四月荳 六月荳 八月荳 小赤荳 蠶荳

瓜 荳 瓜 荳

粟 大日梁小日粟 有梗糯二種

芝麻

臨海縣志

卷三

食貨

十六

物產

菜

蘿蔔菜 芥菜 白菜小者曰菘 莧 馬齒莧
茗蓬一名甜菜 芹 波稜 生菜 薺 芫荽

薑 蔥 韭 薤 似韭而葉潤多白 蒜 有八箇
蓮花二種 茄 有紅白二種 瓠 南瓜 黃瓜

絲瓜 冬瓜 白扁荳 茶荳 刀鞘荳 芋 一
名蹲鴟 蕨 苔 如髮而綠生海涯 薯蕷 有紅

白二種 俗呼蒔藥 筍 有冬筍毛竹筍小筍三種
海藻生海山一種 細而紫者曰鹿角菜 木耳

生木上又有生石上者石耳 巖
衣生巖石邊 紫菜出海山石上

菓

梅 有黃梅杏梅品字梅綠萼梅 又有紅梅臘梅無
實 桃 又有紫桃金桃方桃碧桃緋桃千葉桃曼

辦 桃等名 李 有綠李朱李烏紫李黃蠟李等名
梨 有雪梨青消梨水梨 梅梨藤梨諸種 楊梅

杏 圓曰銀杏扁曰木杏 榧 栗 有油栗毛栗
柑 有蜜陀柑木柑乳柑朱柑沙柑青柑諸種 橘

小者各名金橘 橙 有香橙綿橙 柚 似橙
林檎 一名花紅 榛 似栗而小 柿 有紅柿綠柿

棗有馬頭棗鍾鹽官棗數種 櫻桃 石榴花
有單葉千葉 椎俗呼苦橙 芋薺本草名烏芋
枇杷蓮子 藕 西瓜 木瓜 茨俗呼鷄頭菱
枇杷葡萄有紫綠二種 甘蔗 山裏紅 菱

藥

生承寧 茯苓離根者為茯苓傍根為茯神 芍藥有赤白
二種 天門冬 天南星苗似新荷子似榴子根
似芋而圓 麥門冬 俗呼沿街草 薏苡似珠而
長 苦參 地黃 枸杞其根即地骨皮 茱萸
柱大而黃黑者曰吳茱萸紫色者曰茱萸可汎觴
卷栢叢生石上 半夏 椒 細辛白者良
牽牛子有黑白二種 蛇床子又名蛇米 車前
子一名蝦蟆衣 決明子似馬蹄者曰馬蹄決明
蒼耳俗呼兼絲子 何首烏赤者雄白者雌
菖蒲生石罅者曰石菖蒲 五倍子子青大如拳
薄荷 金銀花 草薺 瓜萋 香薷 香附
子 山藥 山梔子 桑白皮 乾葛 百合花

臨海縣志

卷三 食貨

十九

物產

花

白者入藥 薔栗殼 茵陳類香薰而細 益母
草俗呼天麻 金沸花 紫蘇 骨碎補一名胡
孫薑 羊蹄菜 馬蘭 側栢
牡丹 芍藥 海棠 蒲公英
霜即木芙蓉 玫瑰 茉莉 薔薇 玉簪 拒
百合 山丹 錦帶 蜀葵 水仙 菊 午時
花 瑞香 杜鵑俗呼映山紅 迎春 金鳳
金棠棣 長春一名月月紅 木筆又名辛夷
木槿 鷄冠 紫荊 丈紅 天棘 茶藨
芝瑞草 萱 蒲 觀音草 龍鱗 龍鬚 三
白一葉熟則稻熟 風蘭 白蘋 浮萍 蓼

草

蒿 馬鞭 燈心草 蘆

竹

斑竹 紫竹 方竹 箭竹 慈竹一名子母竹
石竹 佛面竹 江搖絲竹 貓竹大而堅 四季
竹 公孫竹 江西南竹
苦竹 淡竹 董竹

介 蟹俗呼團魚 螺 蛤 車螯蛤之大者 蝦青
白赤數種大者合之曰對蝦 龜 蛭 蚶有瓦

蚶毛蚶 龜脚 牡蠣如決明附石而生 石帆
生海中 蟹有白蟹螃蟹山蟹石蟹 彭越一名

彭蠡 海月形圓如月一名海鏡 蟹多足雌負
雄而行 淡菜俗呼壳菜 鴉碗 蚌八足二螯

隨潮退壳一退一長其肉隨月盈虧月盈則虛晦
則滿 沙蒜一種曰塗荀 雌一名香進 泥螺

一名吐鐵 螺有香螺田
螺溪螺 蝾生海巖中

蟲 蠶 蛇 蜈蚣 蜥蜴 蠅虎 鼃三足者蟾蜍
水中鳴者蝦蟆土人釣食曰田雞 蜘蛛 蟻

蝨 蝸雨時延壁 蜻蜒 蜂有蜜蜂沙蜂山蜂
蝶大者曰蛺蝶有黃白黑數種 蠅色蒼又一

種赤首赤者名景跡 蝗 蠅 螢 蟋蟀一名促
織 水蛭俗呼馬蝗 蚊 鼠負瓦器底蟲 蝻

蝠一名伏翼又名天鼠 斑
猫生豆葉上 蚯 蛄 蛄 蛄

臨海縣志 卷三 食貨 二十一 物產

論曰古者方貢所宜必辨其土之所出昔闕止除

橘籍陸龜蒙欲去蠶桑懼傷民也今當馬駕鼓車

劍賜騎士之盛世宜無慮此哉柚不踰淮鸚鵡不

踰濟貉不踰汶地氣使然也况海國珍生非韓侯

之葭莢則齊姜之鱣魴昔人誤食螃蟹識者謂爾

雅不熟則物產又安可不記也

臨海縣志卷之三終